



Na osnovu Člana 3. Zakona o kolektivnom ostvarivanju autorskog i srodnog prava Bosne i Hercegovine (ZKOASP), „Službeni glasnik BiH“, broj: 63/10,

Proizvođač fonograma – nositelj prava: _____

Naziv pravnog lica: _____

Adresa i grad: _____

ID i PDV Broj/JMB: _____

Odgovorna osoba/pozicija u kompaniji: _____

(u daljem tekstu **“nositelj prava”**)

i

Udruženje za zaštitu prava proizvođača fonograma “FONOGRAM” iz Vogošće, Jošanička 55; ID broj:4202050080001 (u daljem tekstu “FONOGRAM”) u svojstvu organizacije za zaštitu i kolektivno ostvarivanje fonogramskih prava, dana ____ . ____ .20____. godine zaključuju:

UGOVOR

O isključivom ustupanju fonogramskih imovinsko-pravnih ovlaštenja

(broj Ugovora: U_ - ____ - ____ / ____)

Član 1.

Na osnovu ovog Ugovora “FONOGRAM” preuzima isključivu obavezu da u svoje ime, a za račun NOSITELJA PRAVA u okviru ovlaštenja iz Zakona o autorskom i srodnim pravima (“Službeni glasnik BiH” br.63/10) i Zakona o kolektivnom ostvarivanju autorskog i srodnih prava (“Službeni glasnik BiH” br.63/10), a u smislu kolektivnog ostvarivanja i zaštite imovinskih prava proizvođača fonograma, isključivo ostvaruje i štiti prava gore navedenog proizvođača fonograma – NOSITELJA PRAVA u skladu sa pozitivnim popisima Bosne i Hercegovine kao i multilateralnim ugovorima i konvencijama koji obavezuju Bosnu i Hercegovinu, te bilateralnim ugovorima zaključenim između “FONOGRAM”-a i srodnih organizacija u inostranstvu.

Član 2.

Ovim ugovorom NOSILAC PRAVA isključivo opunomoćuje “FONOGRAM” da:

- Pregovara, ugovara, objavljuje i naplaćuje naknade za emitovanje i reemitovanje fonograma,
- Pregovara, ugovara, objavljuje i naplaćuje naknade za javno saopštavanje fonograma,
- Pregovara, ugovara, objavljuje i naplaćuje naknade za javno saopštavanje fonograma koji se emituje, kao i druge vrste naknada koje se ostvaruju kolektivnim putem (reprografska prava i sl.),
- Zaključuje pojedinačne i kolektivne Ugovore o nesključivom prenosu navedenih prava sa korisnicima i njihovim reprezentativnim udruženjima,
- Vršiti kontrolu izvršavanja ugovornih obaveza između “FONOGRAM”-a i korisnika kao i zakonskih obaveza korisnika.


Ovlašćuje se “FONOGRAM” da na osnovu ovog Ugovora, u skladu sa pozitivnim propisima obavlja poslove nadzora i kontrole nad korištenjem fonograma kao i da u okviru poslova određenih ovim Ugovorom nastupa za račun NOSITELJA PRAVA pred sudovima, te drugim odgovarajućim tijelima u sudskim, upravnim i drugim odgovarajućim postupcima koji se tiču ostvarivanja prava proizvođača fonograma.

Član 3.

“FONOGRAM” se ovim Ugovorom obavezuje isplatiti NOSITELJ-u PRAVA pripadajući iznos prikupljene naknade ostvarene na osnovu prava proizvođača fonograma u skladu sa zakonskim propisima i aktima “FONOGRAM”-a, a na osnovu usvojenog plana raspodjele.

Član 4.

Proizvođač fonograma ne može od kolektivnog ostvarivanja zaštite izuzeti pojedine predmete zaštite, jer svi predmeti zaštite koji pripadaju NOSITELJ-u PRAVA predstavljaju bez izuzetka zaštićeni repertoar kojeg isključivo štiti fonogram.





Član 5.

U slučaju da NOSITELJ PRAVA želi da raskine Ugovor sa “FONOGRAM”-om obavezan je da o tome obavijesti “FONOGRAM” pismenim putem.

Prestanak zaštite počinje od početka sljedeće kalendarske godine uz uslov da je NOSITELJ PRAVA o tome obavijestio “FONOGRAM” najkasnije do 30. juna tekuće godine.

Član 6.

Sastavni dio ovog Ugovora čini katalog svih do sada objavljenih fonograma na koje NOSITELJ PRAVA ima pravo iskorištavanja i čije iskorištavanje predstavlja predmet zaštite.

Obaveza NOSITELJA PRAVA je da listu svojih fonograma dostavi u roku i na način kako je definisano u Pravilniku o prijavi fonograma.

Isto važi i za NOSITELJA PRAVA koji ima Ugovor sa stranim proizvođačem fonograma čiji repertoar je ovlašten zastupati na teritoriji BiH, a o čemu mora donijeti odgovarajući dokaz “FONOGRAM”-u.

NOSITELJ PRAVA koji je sklopio Ugovor sa “FONOGRAM”-om ne polaže pravo na prihod od fonograma koje nije prijavio “FONOGRAM”-u.

Član 7.

Izmjene i dopune ovog Ugovora su moguće samo u pisanoj formi, a na osnovu odluke Upravnog odbora “FONOGRAM”-a.

Član 8.

Svi nesporazumi između Ugovornih strana će se rješavati sporazumno pred organima “FONOGRAM”-a. Ukoliko ugovorne strane ne pronađu sporazumno rješenje, nadležan je sud u odnosu na stvarnu i mjesnu nadležnost ugovornih strana.

Član 9.

Ovaj ugovor se zaključuje na period od 5 (pet) godina i važi od dana njegovog potpisivanja.

Nakon isteka perioda od 5 (pet) godina., ukoliko ni jedna strana ne izrazi želju za raskid Ugovora onda se ovaj Ugovor automatski produžava na još 5 (pet) godina.

Član 10.

“FONOGRAM” je slijedom ovog Ugovora ovlašten kolektivno ostvarivati prava proizvođača fonograma na teritoriji cijelog svijeta za cijelo vrijeme trajanja ovog Ugovora. Ukoliko tako želi, NOSITELJ PRAVA ispod može upisati jednu ili više država gdje njegova fonogramska prava ostvaruje druga kolektivna organizacija: _____

Član 11.

Ovaj Ugovor je sačinjen u 3 istovjetna primjerka od kojih ugovorne strane zadržavaju po jedan primjerak, dok se treći primjerak, shodno uslovima za obavljanje djelatnosti kolektivnog ostvarivanja prava, dostavlja **Institutu za intelektualno vlasništvo BiH**.

“FONOGRAM”

“NOSITELJ-a PRAVA”

